

OK
374
22

42

Abdruck eines Brieffes

den die Bürger vnd Einwohner in Franckreich zu Roan / den 25. Octobris in dem Tausent fünffhnduert vnd zwey vnd sechzigsten Jar in der Belegerung an die Königin zu Franckreich haben geschrieben.

II n
5843




Anno M. D. LXIII.

BIBLIOTHECA
PONICKAVIANA


UNIVERSITÄTS-BIBLIOTHEK
HALLE
(SAALE)

(X1993649)

Faint, mirrored text bleed-through from the reverse side of the page, appearing as ghostly impressions of a document.



Faint, mirrored text bleed-through from the reverse side, appearing as ghostly impressions of a document.



Alsergnedigste Königin / Nach
dem man allerley mittel vnd wege gesucht/
wie man möchte/ zu einem guten vertrag ko-
men/ vnd diese Stad aus iren jamer/ zu einer
heiligen Policey vnter Gottes vnd des Kö-
nigs gehorsam bringen möchte/ haben wir
vernomen/ das es entlich darauff stehet/ das

etliche Leut E. K. M. wollen bereden/ das sie vnser Kirchendiener soll verjagē/ auff das hinfort Gottes wort vnd das heilig Euangelium / nicht mehr öffentlich würde gepredigt/ vnd vber das/ mit demselben nicht zu frieden sein wollen/ Sondern vns auch darzu vertreiben / vnd von vnserm Haus vnd Hoff verjagen/ oder aber sollen der Weide des lebens/ vnd der frucht der predigt des Euangelij beraubt sein.

D Jeweil sie denn ein solchs bey sich beschlossen / vnd nur mehr ir gemüt entdecket/ dancken wir vnserem lieben fromen Gott/ der vns bis anher bey des Königs vnd E. M. getrewen gehorsam geschützet/ vnd daneben auch die ehre gethan/ das wir von vnsern Kirchendienern sind vnterricht worden/ Das nu mehr allen völkern in der weiten Welt kundt gethan wird/ das dieser erschrecklicher krieg/ damit wir vnter einer gebergesten autoritet / vnd hoheit eines jungen Königs vberzogen werden/ nirgend anders wohin gerichtet ist/ denn die Diener Gottes zuuerjagen/ vñ die Predigt seines Euangelij zuuerhindern/ vnd vnser widersacher sich nun mehr nicht können rhümen/ vnd ire sachen nicht mehr mit dem schein der rebellion schmüsken. Nach dem aber alle Stende einhellig zu Orleans / zu Pontoise vnd Poisy vmb Prediger des heiligen Euangelij angesuchet/ weil auch alle Fürsten/ Ritter des Königlichen Ordens/ vnd die fürnembsten Heubter aller Parlament in diesem/ Königreich/ vñ andere aus des Königs vertrauerten Rheten/ ansehnliche leute das Edict des Januarij/ von wegen der Religion geschlossen/ vnd wir denselben zu folge lassen/ der Predicanten öffentliche Vermanungen bey vns stat haben/ vns damit an des Königs Maiestet bösslich vergriffen/ das wir das

A ij gehalten

gehalten / das von den Stenden in irer allgemeinen versamlun-
ge / in beysein aller des Königs vertraueten Rheten beschlossen /
vnd für E. M. ist gebracht worden / daren sie auch gewilliget /
oder der / welcher es als ein priuat person umbstossen / vnd dera-
wegen ein Krieg wider Gott vnd sein eigen fleisch vnd Blut
anfenget / da doch die Edicta / Die mit solcher solennitet ge-
macht / geschlossen vnd publiciert worden / Wie das gemeldte
im Januario / nicht können wider auffgehoben werden / weil
der König noch vnminor ist (dabey wir auch wollen leben
vnd sterben) Es were denn das erstlich die Stende zusamen k-
men / vnd die Rheten / welche sie die Stende gewehlet / das sie
dem Königreich sollen vorstehen / darzu beruffen werden / vnd
ein ander Edict durch sie gemacht würde / das dieses auffhübe.
Warumb wird E. M. gezwungen / das sie die Predicanten
aus vertreiben / die der König hat in seinen schutz genomen /
Warumb sollen E. M. Vnterthanen darumb erwürget wer-
den / das sie das heilige Euangelium haben / weil es ihnen von
E. M. selbst ist nachgelassen ?

SO ein einiger priuat mensch von wegen des vbermuts /
der in treibt / in so viel gewalt nemen / Das er die Edicta kan
umbstossen / vnd so viel vnschuldigs blut on einige vrsach an
vns vnd vnsern mitbrüdern vergiessen ? Denn wir wissen all-
zu wol / das viel vnter den weidlichsten vnd redlichsten Haupt-
leuten / dieses Königreichs sind vnmenschlicher weise ermor-
det / vnd zum teil enthauptet / zum teil erhengt worden / nur
vmb der vrsach willen / Das sie des Königs Edict sind gehor-
sam gewesen / vnd dem Könige ire schuldige Dienste geleistet /
damit das heilige Euangelium möchte öffentlich in seinem Kö-
nigreiche geleret werden. Vnd schreiet derselben armen marty-
rer Blut zu Gott vmb rache / wider die / so des vrsach sind. Vñ
zweiuelt vns nicht / Gott wird sie in künze also straffen / das sie
zu ein Exempel des zorns Gottes werden menniglich fürge-
setlet werden / Denn ob Gott wol langmütig ist / vnd nicht
bald straffet / So wird er doch sein aufferwelt Volck eines
mals aus seinem jammer erretten.

DJeweil auch das der entlich Beschlus ist / das man die
Predicanten

Predicanten sol vertreiben / damit das heilige Euangelium
nicht gelehret werde / So mus daraus folgen / Das alle wir
Einwohner allhie zu Roan umb des rechten Gottesdienst wil
len müssen verjagt werden / on allein die / welche wollen leben /
wie sie es in irem gewissen können verantworten / vnd darumb
nicht sollen befragt werden / Das deuchtet vns so ein selzamer
Bosse sein / Das man des Königs vnterthanē wolle one Gott
oder einige Religion lassen jr leben zubringen / das wir nimer
mehr können glauben / das E. M. als eine frome tugentreiche
Königin solte in ein solchs ding willigen. Denn E. M.
hat oft vnd viel mal selbst denen / die in der sachen zu jr ges
chickt sind worden / sich erkleret / das sie nicht wil nachlassen /
das man jr sol nachsagen / das sie ein Ursach sey / das dem Kö
nige sollen seine Vnterthanen / weil er noch vnmündig ist / ver
jaget werden / Sondern viel mehr / wie es einer weisen Fürstin /
vnd von den Stenden verordnete Vormündin vnd Regentin /
von Herzen begeret die sachen dahin arbeiten / das die Vnter
thanen in guter rhu vnd in Fried vnd Einigkeit können erhal
ten werden / wie denn E. M. fast mit diesen Worten angezeigt /
da sie gesaget / das ewer wille were / das Ir vns bey vnser Hab
vnd Gütern wollet erhalten / vñ das / ob gleich vnser Kirchen
diener wegzögen / Ir doch / nicht wollend zugeben / Das wir
soltten mit jnen ziehen / vngeacht / was wir auch derwegen ges
ucht vnd gebeten / das wir mit gemelten Predicanten möchten
darvon ziehen / weil wir sie weder köndten noch wolten verlas
sen / So lang wir vnser Leben hetten.

Derhalten können wir nimermehr glauben / das dieser
entlicher bescheid von E. M. herfließe / das wir sampt vnsern
Kirchendienern sollen vertrieben werden / vnd E. M. gewöhn
liche gütigkeit so eilend sich verkeret haben / vnd wir mit den
Kirchendienern aus dieser stat sollen verjagt werden / Son
dern das / ob nun wol ein fünff oder sechs Monat lang E. M.
gewalt eingezogen / Vnd gleich als gefencklich gehalten wird /
Jedoch hoffen wir Gott werde E. M. nicht so sehr vergessen
haben / das sie nicht in irem gewissen befinden solte / es were
vnrecht das man des Königs Edicta umbstieße / vnd die lehr

ter Gottes worts solte vertreiben / vnd daneben ein vnzehlichen
hauffen E. M. getrewe vnterthanen vnd diener verjagen / die
mit iren armen Weibern vnd kleine Kindlin in die eufferste
armut vnd elend gestossen werden.

Als hat den Widersachern Gottes so tieff können ins
Hertz senck n / oder was hat jnen können so wol einbilden / das
sie wider das Edict des Jenners haben thun wollen / vnd dem
zugegen halsstarriger weise die vertreiben / welche das heilig
Euangeliumlehren / denn das sie irer sachen damit wollen eine
farb anstreichen / das sie fürgeben sie seien Ursacher des inner-
lichen Kriegs / vnd das die Predigt des Euangelij zancf vnd
zwitteracht machet / vnd man derwegen die lehrer mus verjag-
gen / das hat kein ansehen / Wir bitten auch E. M. vnterthe-
nigst / sie wolle solchem reden kein stat noch Glauben geben /
Denn es ist eitel betrug / die Leute damit zu bethören. Gleich
als weil one das Geseze ein Sünde ist / one das Euangelium
keine Ketzereien / Secten vnd zwoispalt / müsst man derhalben
das Gesez auffheben / vnd das Euangelium Ihesu Christi
ausrotten / da er vns selbst innen sagt / das er zwiffchen dem
Teufel vnd den seinen wil Friede machen / Sondern das er
wil Krieg zwiffchen jnen anrichten / vnd vns gleichwol vers-
manet / das sein Euangelium sol verkündigt werden ? Wenn
sich gleich Empörungen vnd Krieg erheben / sol man darumb
die Wahrheit anstilgen / vnd die Prediger des heiligen Euans-
gelij verbieten ? Nein gantz vnd gar nicht / So ist es auch nicht
der Predicanten schuld / das Krieg vnd auffrühr sind / vnd das
Euangelium ein Ursach der zerrüttung vñ Vnrhu / Sondern
der rechte Ursprung vnd anfang aller Empörungen in allen
landen dieses Königreichs ist der Geistlichen Geitz / die sich
wider Gott / vnd sein heiliges Wort gerottet / vnd vndereins-
ander verbunden / damit sie die Diener Gottes könten ver-
treiben.

Itten derwegen zum vnterthenigsten E. M. wolle da-
ran sein / das der geistlichen Geitz mit der Wurtzel ausgerottet
werde / als ein Ursach der Bürgerlichen Kriege / Vnd darge-
gen alle die einkomen der Geistlichen / die nicht in der kirchen
dienen

dienen/dahin wenden/auff das der König aus seinen beschwerlichen schulden damit gelöst würde. Vnd demnach vns diese gnade lassen widerfaren / das wir mögen bey vnsern hab vnd gut bleiben/Vnd die Predicanten/Gott zu ehren/vnd des Königs Edict zustercken / bey vns behalten / Auch vnder des/ So fern es der K. vnd E. M. geliebet/vns diesen gnedigen willen thun/vnd zu vns herein in die Stat zihen/ darumb wir ganz Vnterthenig bitten / Vnd daneben zusagen / das wir alle vnserere wehren beide E. M. aus sonderlichem gehorsam zum füßsen legen/Vnd vns mit Leib vnd gut demselben höchst gemelten M. zu dienen persönlich erbieten.

ES wolte auch E. M. das Kriegsvolck so fur dieser Stad ligt lassen abziehen / Vnd die Fürsten Königliches Stammens/neben den andern/Welche von den gemeinen stenden dazu gewehlet / vnd benant sind/zu sich beruffen/vnd als denn mit derselben rath die beschwerlichen Empörungen vnd innerliche Kriegen abhelffen / Vnd das Königreich (wie zube sorgen / wo nicht rath geschaffet wird) gründlich verderben müsse. Darfür vns der Allmechtige Gott gnediglich wolle behüten/Vnd vnsern König sein Scepter vnd Kron mit zunemung an alter vnd gaben Gottes erhalten vnd mehren. Datum auff den Rathhaus zu Ro an/den 25. Octo.

1 5 6 2.

F I N I S.

OK Top 5843

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

F I N I S

AL




Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13


Blue Cyan Green Yellow Red Magenta White 3/Color Black



ines Brieffes

und Einwoher in Franck
Octobris in dem Tausent
zwey und sechzigsten Jar
ig an die Königin zu
reich haben ges
rieben.

In
5843



D. LXIII.

LIOTHECA
CKAVIANA

UNIVERSITÄTS-BIBLIOTHEK
HALLE
(MALE)